


石倉十二代詩選

六十



宋九十一三


漢書門類		三七四五號	九七函	一四二冊
------	--	-------	-----	------


內閣文庫			
漢書	三七四五號	一四二冊	三一九函

內閣文庫			
番號	漢	3745	
冊數	142 (62)		
函號	319	25	

宋詩九十一三

六十





女山集自序

淺草文庫

余自吳門被命入衛守獨松關。迺王正二日除浙西大制撫領神臯。余辭尹引帳兵二千人詣行在。日夕贊陳樞使宜中謀遷三宮。分二王于閩廣。元夕後余所部兵皆聚于富陽。朝廷擬除余江東西廣東西制置大使兼廣東經略知廣州。湖南策應大使。未及出命。陳樞使已去國。十九日大皇除余右丞相兼樞密使都督諸路軍馬。時北兵駐高亭山。距脩門三十里。是日虜帥

卽引董叅政以兵屯權木教場城中兵將官紛
紛自往納降余欲召富陽兵入城已不及事三
宮九廟百萬生靈立有魚肉之憂會使轍交馳
北納當國相見諸執政侍從聚于吳左丞相府
不知計所從出交贊余一行國事至此余不得
愛身且意北尚可以口舌動也二十日至高亭
山詰虜帥前後失信虜帥辭屈且謂決不動三
宮九廟決不擾京城百姓留余營中旣而呂師
孟來余數罵其叔姪愈不放還賈餘慶者逢迎

賣國乘風旨使代余位于是北兵入城講行無
虛日北知賣國非余所容也相戒勿令文丞相
知未幾賈餘慶吳堅謝堂家鉉翁劉岳皆以府
第爲祈請使詣北方蓋空我朝廷北將甘心焉
二月八日諸使登舟忽北虜遣館伴逼余同往
余被逼脇欲卽引決又念未死以前無非報國
之日姑隱忍就船方在京時富陽兵已退趨婺
處等州余俟間還軍若不自脫至是欲從道途
謀遁亦不可得至京口留旬日始得鹽商小舟

于二月晦夜走真州。朔日守苗再成相見論時事。慷慨流涕。余致書兩淮間。合兵興復。苗贊之甚力。初三日早制司人來。迺出文書。謂丞相爲賺城。欲不利于我。苗不以爲然。送余出門。勸奔淮西。余謂此北反間也。否則託辭以逐客也。李公仁人。使見余必感動。遂之維揚。苗遣五十兵四騎從行。夜抵西門。欲待旦求見。呵衛嚴密。鼓角悲慘。杜架閣謂李公必不可見。徒爲矢石所陷。不如渡海歸從王室。余然之。自是日夜奔南

出入北衝。犯萬萬死。道途苦難。不可勝述。嗚呼。余之得至淮也。使余與兩淮合。北虜懸軍深入。犯兵家大忌。可以計擒。江南一舉而遂定也。天時不齊。人事好乖。一夫頓困。不足道。而國事不競。哀哉。余至逋聞二王建元帥府于永嘉。陳樞使與張少保世傑方以李郭之事爲已任。狼狽憔悴之餘。喜不自制。跋涉鯨波。將躡屨以從。意者天之所以窮餓困乏而拂亂之者。其將有所俟乎。德祐二年閏月日。廬陵文天祥自序。

出指南錄

石倉十二代詩選

宋詩卷之九十

文山集

宋吉水文天祥著

明後學曹學佺閱

送行中齋

秋氣晚正烈。客衣早知寒。把衣不能別。更盡此
 日歡。出門一萬里。風沙浩漫漫。豈無兒女情。為
 君思汎瀾。百年有時盡。千載無餘歡。明明君臣
 義。公獨為其難。寧受百折苦。願持一寸丹。會須
 撫卷人。孤燈起長歎。

其二

神龍蕩失水。馴擾終未得。威鳳雖在藪。肯顧雞
鶩食。所以古之人。受變心不易。毫鼎已遷周。西
山竟肌瘠。豫子身自漆。萇弘血成碧。何嘗怨廢
興。而或二心跡。堅白不在緇。羔裘良自惜。此義
公素明。俗見或未識。

其三

嗟予抱區區。疇昔同里閭。過從三十年。知心不
知面。零落忽重逢。家亡市朝變。惛惛蹈海餘。瑤

躡南冠殿。劇談泥塗際。握手鞍馬倦。依依斯文
意。苦恨十年晚。曾仲偶不逢。隨世本非願。靈胥
目未抉。端欲請所見。及茲萬里別。一夕腸百轉。
予生諒須臾。孤感橫九縣。庶幾太尉事。萬一中
丞傳。

題宣州疊嶂樓

初日照高樓。輕煙在疎樹。峨峨遠岫出。泯泯清
江去。簷隙委殘籀。屋隅連宿莽。蒼蔚互低昂。熹
微分散聚。城郭諒非昔。山川儼如故。童髮已零

落妹顏慰遲暮沈沈澹忘歸欲歸重回顧

東方有一士

萬金結遊俠千金買歌舞丹青映第宅從者塞衢路身爲他人役名聲落塵土他人一何傷富貴還自苦東方有一士敗垣半風雨不識絲與竹飛雀滿庭戶晨餐或不飽夜夢無驚寤此事古來多難與俗人語

送劉其發入蜀

秋風淒已寒蜀道阻且長虎狼伏原野欲濟川

梁客從何處來云我之西方蕭蕭騶驢鳴熠燿湛盧光昔時榮華地今爲爭戰場將軍揚天戈壯士發戎行江南有羈鳥悠悠懷故鄉駕言與子遊雲天何茫茫

發魚臺

晨炊發魚臺碎雨飛擊面團團四野周冥冥萬象變疑是江南山煙霧昏不見豈知此中原今古經百戰英雄化爲土飛霧灑郊甸天寒日欲短遊子淚如霰

發陵州

中原似滄海萬頃與雲連。大明朝東出皎月正
在天。遠樹亂如點。桑麻鬱蒼煙。一雁入高空。千
鴉落平田。我行天地中。如蟻磨上旋。雨痕留故
衣。霜氣襲重氊。健馬嘶北風。潛魚樂深淵。噫哉
南方人。回首空自憐。

發潭口

吹面北風來。拂髮堅冰至。軒冕委道途。袞繡易
羶毳。百年難覓好。始醉四方志。浩歌激浮雲。亭
亭復攬轡。羲馭幾曾停。誰當掃幽翳。

贈許柏溪惟一

長風吹飛藿。清蜩吟野草。流光速代謝。興懷令
人老。遊子中夜起。悠悠酣且歌。明月委清照。江
湖秋涉多。豈無臨緇魚。亦有邯鄲酒。懷古招王
孫。登高重回首。

題周山甫錦繡段

客從西北來。遺我錦繡段。上有雙鳳凰。文彩何
燦燦。置之篋笥中。歲月亦已晏。天孫顧七襄。雷

電下河漢鳳凰忽飛去遽然失把玩貧家機杼
寒秋蟲助余歎

題高君寶紺泉

淳淳巖下泓澄碧落梧影寒瑤披清焱殘月照
灑潑俯淵測浮雲流日蕩若穎向來滄浪歌孺
子不可調載霑衣上塵懷古意深永招招素心
人相期發深省

山中感興

載酒之東郊東郊草新綠一雨生江波洲渚失
其足青春豈不惜行樂非所欲采芝復采芝終
朝不盈掬大風從何來竒響振空谷我馬何玄
黃息我西山麓

其二

山中有流水霜降石自出驟雨東南來消長不
終日故人書問至為言北風急山深人不知塞
馬誰得失挑燈看古史感淚縱橫發幸生聖明
時漁樵以自適

其三

桃花何天天楊柳何依依去年白鳥集今年黃
鵠飛昔爲江上潮今爲山中雲江上潮有聲山
中雲無情一年足自念况復百年長但存松柏
心天地真茫茫

贈蜀醫鍾正甫有感

炎皇覽衆草異種多西州爲君望岷峨使我雙
淚流向來秦越人朝洛夕邯鄲子持鵲經來自
西亦徂南江南有羈羽豈不懷故營何當同皇
風六氣和且平

正氣歌

余囚北庭坐一土室室廣八尺深可四
尋單扉低小白間短窄汗下而幽暗當
此夏日諸氣萃然雨潦四集浮動床几
時則爲水氣塗泥半朝蒸漚歷瀾時則
爲土氣乍晴暴熱風道四塞時則爲日
氣簷陰薪爨助長炎虐時則爲火氣倉
腐寄頓陳陳逼人時則爲米氣駢肩雜
還腥臊汗垢時則爲人氣或圍溷浮屍

或腐鼠雜出時則爲穢氣疊是數氣當
者鮮不爲厲而余以孱弱俯仰其間于
茲二年矣是殆有養致然然爾亦安知
所養何哉孟子曰我善養吾浩然之氣
彼氣有七吾氣有一以一敵七吾何患
焉况浩然者乃天地之正氣也作正氣

歌一首

天地有正氣雜然賦流形下則爲河嶽上則爲
日星于人口浩然沛乎塞蒼冥皇路當清夷含
和吐明庭時窮節乃見一一垂丹青在齊太史
簡在晉董狐筆在秦張良椎在漢蘇武節爲嚴
將軍頭爲嵇侍中血爲張睢陽髯爲顏常山舌
或爲遼東帽清操厲冰雪或爲出師表鬼神泣
壯烈或爲渡江楫慷慨吞胡羯或爲擊賊笏逆
豎頭破裂是氣所磅礴凜烈萬古存當其貫日
月死生安足論地維賴以立天柱賴以尊三綱
寔係命道義爲之根嗟余遘陽九隸也寔不力
楚囚纓其冠傳車送窮北鼎鑊甘如飴求之不

可得陰房闐鬼火。春院闕天黑。牛驥同一皁。雞
棲鳳皇食。一朝濛霧露。分作溝中瘠。如此再寒
暑。百沴自辟易。嗟哉沮洳場。爲我安樂國。豈有
他繆巧。陰陽不能賊。顧此耿耿存。仰視浮雲白。
悠悠我心悲。蒼天曷有極。哲人日已遠。典刑在
夙昔。風簷展書讀。古道照顏色。

余自高亭山爲北所留。深悔一出之誤。聞
故人劉小村陳蒲塘引兵而南。流涕不
自堪。

只把初心看。休將近事論。誓爲天出力。疑有鬼
迷魂。明月夜推枕。春風晝閉門。故人萬山外。俯
仰向誰言。

余以議論太烈。北愈疑憚。不得歸闕。將校
官屬日有叛去。世道可歎。

悠悠天地濶。世事與誰論。清夜爲揮涕。白雲空
斷魂。死生蘇子節。貴賤翟公門。前輩如瓶戒。無
言勝有言。

天台杜濟字貴卿號梅壑。糾合四千人。欲

救王室當國者不知省正月十三日見
余于西湖上余嘉其有志頗獎異之十
九日客贊余使北梅壑斷斷不可客逐
之去余果爲北所留後二十日驅余北
行諸客皆散梅壑憐余孤苦慨然相從
天下義士也朝旨特改宣教郎除禮兵
架閣文字

張翥登門
仗節辭王室悠悠萬里轅諸君皆雨別一士獨
星言啼鳥亂人意落花銷客魂東坡愛巢谷頗

張翥登門

聞雞

軍中二十日此夕始聞雞塵暗天街靜沙長海
路迷銅駝隨雨落鐵騎向風嘶曉起呼詹尹何
時脫蒺藜

平江府

樓臺俯舟楫城郭滿干戈故吏歸心少遺民出
涕多鳩居無鵲在魚網有鴻過使遂睢陽志安
危今若何

沈頤家 余回京口北人歎之府中余不
得離岍上得沈頤家坐卧北不意余爲
逃計也

孤舟霜月迥曉起入柴門斷岍行簪影荒畦落
履痕江山渾在眼宇宙付無言昨夜三更夢春
風滿故園

長溪道中和張自山韻

夜靜吳歌咽春深蜀血流向來蘇武節今日子
長遊海角雲爲岍江心石作洲丈夫竟何事底

用泣神州

卽事

去年傷北使今日歎南馳雲濕山如動天低雨
欲垂征夫行未已遊子去何之正好王師出崆
峒麥熟時

英德道中

海近山如沃林深屋半蕪乾坤正風雨軒冕總
泥途自歎鳶肩薄誰憐鶴影孤少年狂不醒夜
夜夢伊吾

別里中諸友

青山重回首風雨暗啼猿
楊柳溪頭釣梅花石上尊
故人無復見烈士尚誰言
長有歸來夢衣冠滿故園

建康

金陵古會府昔陪京山勢猶盤礴
江流已變更健兒徙新鬼哭臺城
一片清溪月偏于客有情

真州驛


山川如識我故舊更無人
俯仰干戈跡往來車馬塵
英雄遺算晚天地暗愁新
北首燕山路淒涼夜向晨

固陵道中

九天雲下垂一雨作秋色
塵埃化泥塗原野轉蕭瑟
十里一雙埃狐兔卧荆棘
見說數年來中州乍蘇息

發東阿

東原深處所時或見人煙
秋雨桑麻地春風桃



李天貪程頻問堠快馬緩加鞭多少飛檣過噫
吁是北船

保州太祖墓

我行保州塞御河直其東山川猶有靈佳氣何
鬱葱顧我巾車囚厲氣轉秋蓬辦香欲徃拜惆
悵臨長空

除夜

門掩千山黑孤燈伴不眠故鄉在何處今夕是
窮年任世真無係爲囚已自然勞勞空歲月得

死似登仙

元日

慙愧雲臺客飄零雪滿瓊不圖朱鳥影猶見白
蛇年宮殿荒煙隔門庭宿草連乾坤自春色回
首一潛然

送曹大著知廣德軍

暫屈瀛洲客來臨泃水民山川歸史記岳牧屬
詞人館舍朋簪舊都門祖帳新儒林官可紀何
止更稱循

題陳國秀小園

長鶴展輕翮，遠棲松桂林。故宇入清夢，盤盤入苦心。中林風月賒，十畝團幽陰。林下有奇士，繞樹從之吟。

聽羅道士琴

斷崖千仞碧，下有寒泉落。道人揮絲桐，清風轉寥廓。飄飄襟袂舉，冰紈不禁薄。紫煙護丹霞，雙舞天外鶴。

題吳城山

龍行人鬼外，神在地天間。彭蠡石罅出，洞庭商舶還。秋風黃鵠遠，春雨白鷗閒。雲際青如粟，河流接海山。

予鄧峒

巽齋歐陽先生爲吟鄧峒賦詩

以孝子慈孫望于人，先生之盛心也。敢不拜手敬贊鄧君勉之。

乃翁猶旅殯，霜露幾焮蒿。日與清江遠，雲連桂嶺高。時無郭元振，夢有令狐綯。目斷方田墓，招魂我欲騷。

文山即事

宇宙風煙濶山林日月長
開灘通燕尾伐石割
羊腸盤谷堪居李廬山
偶姓康知名總閒事一
醉棹滄浪

山中和韻

白扇揮殘暑青鞋踏嫩晴
花牀尋小隱石鼎引
長鳴紗帽有時去酒壺
惟意傾山僧癡與坐閒
却瘦彌明

病中又賦


驟雨知何處一溪秋水生
苦吟肩鶴瘦多病耳
蟬鳴隱几惟便睡挑書
正倦行山深明月夜巧
我半窗清

別謝愛山

君今拂衣去我獨枕書眠
一片過林雨數聲當
戶蟬情長空有恨吟苦
不成篇後會知何日西
風老雁天

病愈簡劉小村

倦餘心似醉病起首如蓬
黃竹斷橋雨白蘋長



笛風僂僂鷗屢舞咄咄雁書空孤負秋來眼閒
挑爨下桐

病坐偶成

蕭蕭秋夜涼明月入我戶攬衣起中庭仰見牛
與女坐久寒露下悲風動紈素不遇王子喬此
意爲誰語

曉起

遠寺鳴金鐸疎窗試寶熏秋聲江一片曙影月
三分倦鶴行黃葉癡猿坐白雲道人無別事抱

看回文

拜羅氏百歲母之明日主人舉酒客張千
載心賦詩某喜贊不自己見之趣韻

翠微三島近畫閣五雲橫春水鷗聲滑夕陽鴉
背明尊前持一笑花下卧餘醒曾見瑤池母不
爲虛此生

醉清湖上三日存叟獨不在坐卽席有懷
石鼎吟方透瑤觴醉未闌疎林花密綴舊壘燕
新安春半湖山好夜深江海寒王孫隔芳草初

月正相看

題楚觀樓

西風吹感慨。曉氣薄登臨。半壁楚雲立。一川湘
雨深。乾坤橫笛影。江海倚樓心。遺恨飛鴻外。南
來訪遠音。

余題鬱孤泉五湖翁姚濂爲之和翁官滿
歸里因韻贊別并謝前辱

巢龜君住好。涌翠我來遲。夜雨呼三韭。春風試
一旗。飛花行客夢。芳草故人思。何日五湖上。同

看浴海曦

用韻謝前人

茲遊良邂逅。吾道未逶遲。斗野橫雙劍。牛津直
兩旗。北風應小住。明日便相思。輸與君家近。扶
桑五色曦。

海上

天邊青鳥迹。海上白鷗馴。王濟非癡叔。陶潛豈
醉人。得常須報國。可隱卽逃秦。身世何時定。挑
燈着劍頻。

泰和

書生曾擁碧油幢。耻與羣兒共豎降。漢節幾回
登快閣。楚囚今度過澄江。丹心不改君臣誼。清
淚難忘父母邦。莫訝鄉人知我瘦。經旬絕粒坐
蓬窗。

和中齋韻

功業飄零五丈原。如今局促傍誰轅。倦眉北去
明妃淚。啼血南飛望帝魂。骨肉凋殘惟我在。形
容變盡只聲存。江流千古英雄恨。蘭作行舟柳

六

有感

石郎草草割山川。一落人手三百年。八州風雨
暗連天。三皇五帝如飛煙。人人野祭伊水邊。春
秋斷爛不復傳。白頭潦倒今鬢連。夜深危坐日
晏眠。

和蕭安撫平林送行韻

得失元來付塞翁。何心桃李問東風。人皆有喜
榮三仕。我尚無文謝五窮。秘苑固知朋可正。畏

途猶恐甲方裏欲酌長者殷勤祝坎止流行學
四忠

題碧落堂

大厦新成燕雀歡與君聊此共清閒地居一郡
樓臺上人在半空煙雨間脩復盡還今宇宙感
傷猶記舊江山近來又報秋風緊頗覺憂時髮
欲斑

和韻送逸軒劉民章

少日屠龍事已勞送人千里發江濤蓬萊地近
風方細閭闔門開日正高春裏看花須款款雨
中剪韭且陶陶金吾已辦長安月雙鳳扶雲立
海鼇

山中卽事

携壺藉草醉斜陽白鶴飛來月下雙蘆葉西風
驚別浦芭蕉夜雨隔疎窗千年帝子朱簾夢一
曲仙人鐵笛腔若問山翁還瘦否手持漁竹下
寒江

送人往湖南

雁拖秋月洞庭邊。客路淒涼野菊天。雲隔酒樽
橫北海。風吹藜杖落西川。夜深鬼火千山雪。春
後鶉花一樹煙。爲我祝融峰上看。朝暎白處禮
蓬仙。

七月十三夜用燈牌字韻

赤壁當年賦子虛。西風忽復到菰蒲。蟾蜍影裏
千秋鑑。蟋蟀聲中七月圖。詩思飄飄入雲漢。歌
聲隱隱動江湖。萬家簫鼓連燈火。見說年來此
事無。

挽李制帥

世變江河渺未涯。如公真是濟時危。幾年荆益
龍驤譽。一日瀟湘鵬識悲。天下皆傳清獻節。人
心自有武侯碑。郎君昔共慈恩約。投淚西風寄
些詞。

贈周東卿畫魚

觀君瀟湘圖。起我濠上心。短褐波濤舊。秋雨菰
蒲深。

禪關

歷代詩選

附謝疊山

秋風吹日上禪關路入松花第一彎只願四時
煙霧少滿城樓閣見青山

塵外

半山風雨截江城未脫人間總是塵中夜起看
衣上月青天如水露華新

雲端

半空天矯起層臺傳道劉安車馬來山上自晴
山下雨倚欄平立看風雷

附謝枋得詩

字公直別號疊山文節其門人私謚也信之弋陽人宋亡不仕

所迫之絕元粒而死

謝人冬至送酒鴨

陽復且閉關萬物畏坤含雙鳧飛天外鷺食何
貪婪儒道又一泰十年亂愈倏誰家讀書堂庭
階無青蘆此時談詩書蓮經提魚籃平生太玄
文知者無一譚之子愛野鷺騷駒舞兩驂厚顏
酒食饌不獵懸鶉鷄寒威甚毒矢三杯勝七鎗
爛醉尋梅花登峰吾尚堪

菖蒲歌

歷代詩選

尺村疊山卷九十

七

周

有物奇峭天琢成。有草天天冬夏青。人言菖蒲
非一種。上品九節通仙靈。異根不帶塵埃氣。孤
操愛結泉石盟。明窗淨几有宿契。花林草砌無
交情。夜深不嫌霜露重。晨光疑有白雲生。神農
已知入本草。靈均蔽賢遺騷經。幽人耽翫發仙
典。方士服餌延脩齡。綵鸞紫鳳琪花死。赤虬玉
麟芙蓉城。上界真人好清淨。見此靈苗當大驚。
我欲携之朝太清。瑤草不敢專芳馨。玉皇一笑
留香案。錫與有道者。長生人間千花萬草儘榮
艷。未必敢與此草爭高名。

荆棘中杏花

墻東荒蹊抱村斜。荆棘狼籍盤根芽。何年丹杏
此留種。小紅濺濺爭春華。野人慣見謾不省。獨
有詩客來咨嗟。天真不到鉛粉筆。富艷自是宮
闈花。曲池芳逕非宿昔。蒼苔濁酒同天涯。京師
惜花如惜玉。曉檐賣徹東西家。杏花看紅不看
白。十日忙殺遊春車。誰家園裏有此樹。鄭重已
着重幃。遮阿嬌。新寵貯金屋。明妃遠嫁愁清笳。

落花榮簾拂牀席亦有飄泊沾泥沙天公無心
物自物得意未用相凌誇黃昏人歸花不語惟
有落月啼棲鴉

崇真院絕粒偶書付兒熙之定之彛呈張

蒼峰劉洞齋華甫

西漢有臣龔勝卒閉口不食十四日我今半月
忍渴飢求死不死更無術精神常與天往來不
知飲食爲何物若非功行積未成便是業債償
難畢太清羣仙宴會多鳳簫龍笛鳴瑤瑟豈無

道兄相提携騎龍直上寥天一

和道士陳天隱

學道無魔道不成神人得計是無名光風自覺
長瀟灑明月何曾有死生早悟梅山難養性何
如福地別尋盟梅花香裏堪聯句莫笑人間石
鼎鳴

送程楚翁遠遊

近日人傳庾嶺梅南枝落盡北枝開長安舊日
元無此盡是江南人送來

紅葉飄搖霜露清。去年今日正同行。夜來似與君相見。明月一窗梅影橫。

桃

尋得桃源好避秦。桃紅又見一年春。花飛莫遣隨流水。怕有漁郎來問津。

蠶婦吟

子規啼徹四更時。起視蠶稠怕葉稀。不信樓頭楊柳月。玉人歌舞未曾歸。

宋詩卷之九十終

石倉十二代詩選

宋詩卷之九十一

宋寧德陳普著

石堂集

明後學曹學佺閱

擬古

秋聲金氣流。天空露瀼瀼。素波合流月。滢滢滿庭霜。遙夜一美人。寒閨自徬徨。暗塵集淩波。輕颺感鳴璫。天性賦貞清。動止中矩方。世無夔夔子。窈窕空英皇。抱璞如臨淵。日入不下堂。時操弄玉簫。空中來鳳凰。歲月如流星。髮變面欲黃。

服玉固雪膚絕意百兩料

又

秋夜永如年四壁號寒蛩明月照樹葉白露啼
青桐寒窓紫玉琴時變羽陵宮三彈不成調百
憂鬱攻中

又

東方有樂國開闢先栢皇鸞風爲鷄鶩麒麟爲
犬羊晨霞作朝食太和爲酒漿土無干戈禍人
各千年長下視禹九州有土皆戰場白日虎狼
行青天蛟龍翔我欲爲遠遊滄海渺無梁何年
夸娥氏移置天中央

又

同根一味草時命嗟異遇風月芳香合兩地隔
周楚爾生麟趾家朝夕沐玉露我在雲夢林百
草相蒙妬白璧終不緇惇惇亦良苦

和友人韻

兒童恨芳草不識春長在簞瓢日晏如焉知顏
樂改黃鶴雅入聽鷓鴣亦可罪混沌何曾死拱

壁莫輕碎野馬恣流行遊絲無罣礙緬懷良友
心不言默相對願爲蛩駝交共話瓊璫戴

望雲

幾愛山中雲杳藹起無跡晴風吹綠樹天節日
已尺悠揚幾片飛出岫度絕壁斂作蒼狗形舒
爲鯤鵬翼朝抹峩嶸青暮蘸滄海碧江南與江
北蕩蕩恣所適何如雲中仙避囂隱幽寂採藥
雲下林礪劍雲上石乘雲騎茅龍倚雲吹鐵笛
我欲徃從之飄然不可測

壬辰日蝕

憶昔度宋皇帝時十年十三日食之似道負巔
湖海曲天子宫庭耽樂嬉蒲朝翁翁皆婦人禍
來照鏡方畫眉北軍順流日食既兩國正爾爭
雄雌興亡豈必皆有數百年以來士氣衰文臣
髀肉不識馬武士驚魄怕見旗

凭闌

高豁乾坤眼山晴綠雨收夕陽流水遶荒草白
雲浮柳蔭小溪側樵歌古渡頭凭虛發清嘯安

得仲宣樓

德陽林梅麓太守輓章

殷士皆周裸南音獨楚冠寢車人更怒負俎我
何安義合雍容就名應久遠看梅花真鐵石耐
得許多寒

野燒

雜沓平原起電紅憑陵勢欲逼青峯草茅不問
新開甲蠶戶尤恰乍啓封何暇亂侯分玉石畧
如伯益逐蛇龍際天逸德無人問獨倚高樓

晚鐘

懷古

世事悠悠一轉頭斷雲荒草古今愁青山北去
黃河隔白日西飛東水流秦有金牛關劍閣楚
無熊虎割鴻溝多情蕭寺峯前月幾夜蛩聲影
半樓

答友人

雲作交遊山作賓道心爲主自安貧柴門無鎖
見同物竹帛有名終累人綠水一潭澄靜性青

山萬疊。裹閑身。紛紛望拜馬蹄下。不見胸中萬斛塵。

贈清叟行

共君一夜話。三生語。正投機。君又行。溪柳效顰。添別恨。岸花和意送離程。驚時莫問歸巢燕。贈別愁聞求友鶯。今夜夢中重聚首。鷄聲茅店已三更。

秋日即事

夜床輾轉恨明遲。曉髮梳寒倚竹扉。樹影紙牕。翠作色。蛩聲壁罅。罅月流輝。三盃白酒窮年客。滿篋紅塵隔歲衣。遙想白鷗江上路。蓼花楓葉雨霏霏。

玉露金莖曉髮寒。秋風仍作去年看。蛩聲踈雨。長爲客。鴈影殘。蟬獨倚欄。鐵硯窗櫺雲影淡。丹楓溪曲水痕乾。西風曾與黃花約。擬掇繁英貰酒餐。

二尺書檠對影居。西風吹雪上吟鬚。雲邊月色。人千里。竹裏秋聲。酒一壺。客思邇來紅葉亂。鴈

歷代詩選 宋陳師道
聲南去白雲孤。季鷹自是知機者。一念尊鱸便
到吳。

書餘飲水枕長肱。四壁啼蛩訴不平。月色滿窓
詩骨冷。露華方枕。夢魂清。西風歲歲長堤柳。流
水朝朝滄海情。紅葉山深無鴈過。殘砧幾處搗
愁聲。

遊絲閃閃掛虛簷。翔集號寒華嶽尖。白髮束來
閑點易。烏衣歸去寂鈎簾。三千客路飛楓葉。四
五人家賣酒帘。魚笛水寒江上晚。荒叢豈葉雨

纖纖

鼓瑟

滿樓明月調雲和。五十絃中急雨過。彩鳳拂衣
鳴翠竹。素鱗鼓鬣出寒波。淒涼楚客新愁斷。清
切湘靈舊怨多。一曲更沈人已靜。江頭雲掛綠
嗟峩。

朱絃聲奏徹雲清。有客沈吟倚柱聽。遺響一時
存楚曲。斷魂千載寫湘靈。珠隨明月生滄海。船
挾悲風過洞庭。絃絲無言膠柱倒。遙遙江上數

峯青

溪莊

疇昔何來此青山與白鷗絮飛春不去潮返月

頻留

野步

十首

南鴈數聲嘹唳西風雙髮鬢髮病葉夕陽蒲樹
斷雲殘雨歸岩

瀟酒枯藤老屨行行只復行行泥路野人屐跡
石橋流水琴聲

黃犢眼中荒草鷺鷥立處枯荷宦海風濤舟楫
故山煙雨松蘿

愁思冥鴻杳杳吟情敗葉紛紛歸去滿身溪雨
醉眠半枕山雲

白日長繩難繫青帘濁酒堪賒歸鶴蒼山雲際
故人錦字天涯

紅葉林風颯颯蒼苔徑雨斑斑人跡石邊流水
樵歌鳥外青山

流水數株殘柳西風兩岸蘆花荒草客愁遠道

夕陽牛帶歸鴉

按步緩尋幽草楊眉一望平林鳥影漁磯日暮
荳花村屋秋深

幾處漁樵石路數家鷄犬柴門竈屋殘煙杳靄
溪流淡月黃昏

木葉西風古道稻花北隴新田流水美人何處
夕陽荒草連天

自晒

曾騎白鶴上揚州頭上花枝秉燭遊樽酒邇來

誰是伴白雲收盡數峯秋

鬪鷄走馬醉高陽今日歸來兩鬢霜無限少年
心上事半簾荳雨語寒蟬

古樹閑雲獨抱琴琴聲寂靜樹雲深相如渴死
文君老辜負題橋萬里心

世事悠悠酒幾盃晴蒼把鏡獨徘徊西風吹老
梧桐樹仍送新霜兩鬢來

寬博麻衣折角巾踈慵不似少年身白雲半枕
山中午猶夢乘槎去問津

邵武泰寧途間一路海棠

萬騎連接出襄國

趙石虎都襄國作萬花騎出入隨從

諸姨撩亂

上驪山

唐明皇同貴妃每年十月幸繡嶺諸姨別色隨從望之如錦

道人不

識紅粧面何事扶筇過此山

歸鳥

紫山青嶂盡如家負日衝煙復帶霞今古乾坤

秋一幅幾番歸鳥與棲鴉

七夕

但把凡身小品論寧湏榻頰問星辰女郎戀別

淚如雨暹托金針度與人

四皓

長樂卮前露雪眉岩花亂笑出山時有人拍手

瓜田裏來往青門總不知

李廣李陵

茂陵無柰太倉陳槐里家傳本助秦萬落千村

荆杞蒲隴西桃李亦成薪

賈生

落日長沙被鵬驚愁來強把死生輕洛陽才子

多流涕太息沾襟過一生

武帝

商車不足算縉來桑孔咸陽悉茂材一掃茂陵
無覓處建章門戶至今開

幾多愛子出蕭關山積胡沙骨未還好祀
臺上泪隨風北去洒陰山

五十餘年四海波建元三載盡征和中央寸土
纔無血沃日澆天瓠子河

荀彧

亂離揀得一枝棲得道爭知却是迷曹操若逢
諸葛亮暮年當作漢征西

河濟太山猶是漢匆匆把作賊關中久知天下
無劉氏不料人間有孔融

北地王謀

何物譙周口似簧幾年漢帝手牽羊紛紛蜀土
祠諸葛香火曾分北地王

晉武帝

杳杳羊車轉掖庭夕陽亭上北風腥紛紛羔羯

趨河洛爲見深宮竹葉青

梁武帝

戒捨工夫老未圓。百雙鷄子送殘年。一生般若成何事。贏得江頭載荻船。

附韓信同詩 先生生于宋末入元不仕建

安劉文簡孫菊圃隨齋二公以幣招長雲莊書院先生一以四書六經爲課試法其重經術而未文藝也如此先生伯循其字別號古遺與石堂先生同里而及其門因

得以詩附焉

帝王墓

妖星隳地芒角赤。龍劍悲吼風蕭瑟。中原王氣挽不圓。將軍一死爲毛擲。秦家小兒真戲劇。播弄造化搖樞極。指讐爲親忠且逆。隻手上遮天眼碧。九重茫茫隔天日。無由下燭臣愚直。臣愚萬死不足惜。國恥未滿猶憤激。古墳埋冤血空瀝。風雨年年土花蝕。我恐精忠埋不得。白日英魂土中泣。請將衰骨斲苔痕。獻作吾皇補天石。

翠屏霽雪

寒林靜對展翠屏。六花粧點風景新。四山簇簇
瓊瑤樹。恍然照映芝蘭庭。寒生時光色爍爍。含
輝照耀銀海明。巉巖石化崑山玉。負暄猿狖出
深谷。可憐不老山白頭。梅萼藏春暗香馥。紫陽
留識歌翠寒。中有玉人在其間。道傳前聖發未
發。教開來學難亦難。豁然胸次冰雪釋。白照紅
日上團團。

蓬萊飛客

海上神山名自昔。來去隨潮無定跡。天人俯覽
念虛浮。六鰲頂戴窮神力。棲仙貝闕蓋珠宮。多
種瑤芝瓊草碧。依然根著不堅牢。飛入石堂作
南壁。螺紋螭跡石龍存。雲氣隨潮時雨濕。仙風
颯爽生羽翰。招納霓裳羽衣曲。試登絕頂望五
湖。高接洞天纔咫尺。藥爐灰冷多登真。九轉丹
成人未識。雲間鶴跡托來篇。王鄧真人久相憶。
碁盤仙跡

唐山絕頂碁盤石。戲局流傳名自昔。殷勤細問

白髮翁云是仙人曾對奕苔封石磴不敢移竹
引清風時拂拭箇中黑白子不留想是仙童爲
收拾又不聞採樵之人王子質邂逅仙人執手
談羸輸未決藏機密貪看柯爛不知時少憇山
中方七日誰識囊中日月長歸來塵世無相識

雙柱擎天

白鶴岩堯枕江曲接岫連峯衍林麓石堂峻峭
萬山雄擁翠亭亭多喬木雙撐石柱峙東南勢
力擎天名不俗鐘英特產棟梁材不墜簷纓美
如玉左接蓬萊古洞天峯前水帶縈九曲依然
幻出武陵源擬就峯傍新卜築鶴歸錯認華表存
應笑世人枉追逐

右石堂山中八
景今存其四

石倉十二代詩選

宋詩卷之九十一

終

歷代詩選 宋韓偓

三



八
齊觀齋藏書
王曾齋

王文憲公文集序

孔子曰禮云禮云玉帛云乎哉樂云樂云鐘鼓云乎哉文之爲文關乎道也古之聖賢得時行道若堯舜禹湯文武之爲君臯夔稷契伊傅周召之爲臣善政嘉謨載之方冊夫是之謂文或聖賢之徒不見用于時窮極天人之理考古帝王經世之道若孔子而下顏曾思孟刪定著述開示後世夫是之謂文是皆不倚于物而能與天地日月同悠久者係乎道也下逮戰國能言

歷代詩選

序 王曾齋卷九十一

一

葉士

歷代言述
之士各以所見立爲議論或戾乎聖賢之道者
君子有所擇焉漢唐以下代有作者揆之于道
稱而無疵殆亦鮮矣宋濂洛關閩諸君子出然
後性理之學天開日朗學者始有所依據文章
議論一歸于正道之明也辭則存乎人也金華
王文憲公天資高爽學力精至以其實見發爲
文章足以明道德使其見用足以建事功而卒
老于丘園惜哉若其詩歌又其餘事也六世孫
四川按察僉事迪哀而成帙義烏縣正廬陵劉
周丞翻陽劉傑政有餘力用鉸諸梓其亦知所
用心者哉

明正統八年春二月甲午光祿大夫柱國少保
禮部尚書兼武英殿大學士南郡楊溥序

王文憲公文集序

終

石倉十二代詩選

宋詩卷之九十二

魯齋集

宋金華王栢著

明後學曹學佺閱

赤松卽景

平生百慮懶尚有丘壑心佳哉二三友同盟時
 幽尋壯懷豁虛曠玄宮窮邃深時方釀薄暑萬
 綠漲雲岑新篁疑粉翠日影篩碎金瘦筇扶野
 步羽扇搖清吟漱齒掬清泚雪瀑開風襟脫巾
 挂琪樹露頂涵重陰山禽自在語濁醪自在斟

物外轉栖碧石險蒼苔侵何時侶麋鹿結茅入
深林

和葉聖予小桃源韻

二仙何如人夫豈古隱士道成邈汝寥羊卧不
再起鸞鶴舞松聲蕭騷快心耳金竈清塵生餘
丹不輕委我來桃源遊直窮路所止飛蘿搖春
煙素雪噴清泚何時架草堂深入此山裏倏然
逝世慮鍊魄繼遐軌

送立齋入閩哭久軒

雙溪秋氣深送子臨古道古道如掌平四顧行
人少行行復行行何日度南嶠故人今已矣轉
憶平生好世事浩無涯愁雲黯江表

送希夷之江西

小雨歛輕塵秋聲滿亭驛驅車過南浦別懷徒
襍積世道斯凌夷爲善不自力一朝曾兩生爲
人作行色誰知離索悲有甚萬鐘失

和寬居見懷韻

北望巖馬臺荆榛滿中路英氣一何多懷古渺

難泝山河腥日月虎豹沐雨露纍纍楚猴冠異
哉天所賦豈無濟川才淹留秋不暮清風從何
來灑灑定吾故贈我金琅玕鑿落雙魚素

秋熱

西風不力征老火未甘退蟬聲亂耳繁癡蚊健
始最一雨從天來不復有故態天序自分明人
心其少耐

舟中和葉聖子

桐江波漸滑霽色午方開香火巖蘭若煙霞老
釣臺崖高微徑險水轉萬山回欲訪先生裔相
從買一坏

其二

江濶風帆急潮回沙露痕寒林無剩葉茅舍各
成村雁落煙波渺鴉歸野色昏未知孤客棹今
夜泊誰門

野興

文字飢難煮爲農策最良興來鋤曉月倦後卧
斜陽秋稼連千頃春花醉幾場任他名利客車

馬逐康莊

和趙師日韻

我生無燕領四壁笑相如門巷堪羅雀燈窗且
讀書老來心事懶貧後故人疎尚有多情月時
時到敝廬

蘭

早受樵人貢春蘭訪舊盟謝庭誇瑞物楚澤擷
芳名蒼玉裁圭影紫檀含露英奚奴培護巧苔
蘚日菁菁

催雨

人世如居甌驕陽不可鉏未聞芻作狗安得夢
維魚賦歛民生稿干戈國計虛安危關一飽雨
意莫躊躇

題定武蘭亭副本

玉華未命昭陵土蘭亭神蹟埋千古率更榻本
入堅珉鹽帝歸裝投定武薛家翻刻愚貴遊舊
石宣和龕御府胡塵橫空飛渡河中原荆棘穴
豺虎維揚蒼茫駕南轅百年文物不堪補紛紛

好事競新模。傾歆醜俗。亡遺矩。如今薛本亦罕。
見髣髴典刑。猶媚媼。清歡盛會。何足傳。右軍他
帖。以千數。託言此筆。不可再。慨然陳迹。典懷語。
今昔相視。無已時。手掩塵編。對秋雨。

適莊兄遊山

誰閣重陰。一日晴。清遊應是。愜高情。遙知雨後
山光好。但想雲邊屐。齒清素壁。雖曾題舊字。沈
疴不許。歎新盟。因知關吏留魚。鑰謾遣奚奴。候
晚程。

題山橋

北山之北。兩山齊。一逕蜿蜒。石作梯。脚力倦時
山始好。芙蓉東畔。赤松西。

其二

石磴斜溪。下水隈。玉虹鎖雪。掛崔嵬。雖然只是
泉三疊。滂湃聲搖。萬壑雷。

附劉迎詩

雲中君圖

衣若新沐。蘭湯薰靈巫。拜舞方迎神。恍然相見。

帝者服九歌昔詠雲中君。畫史亦可人。妙入造化域。羽衣玉塵美。且閒此意。不知何處得。空明倏忽紛。漠濛胡爲眷。眷臨壽宮。飄然來下。復遠舉。想像決去。隨飛龍。祠空人散。秋蕭瑟。落日猿聲喚。秋色湘天極。目青茫茫。憑高一望。無南北。

梁忠信平遠山水

憶昔西遊大梁苑。玉堂門閉花陰晚。壁間曾見郭熙畫。江南秋山小平遠。別來南北。今十年。塵埃滿目。不見山。烏靴席帽。動千里。只慣馬蹄車。

轍間明窗短幅來。何處亂點依稀。澹寒具。煥然神明頓還我。似向白玉堂中住。濛濛煙靄樹老蒼。上方樓閣山夕陽。一千頃碧照秋色。三十六峰凝曉光。懸崖高居誰氏宅。縹緲危欄蔭青樾。定知枕石高卧人。常笑騎驢遠遊客。當時畫史在上方。想見泉石成膏肓。獨將妙意寄毫楮。我愧雨立隨諸郎。此行真成幾州錯。區區世路風波惡。還家特作發願文。伴我山中老猿鶴。

速日雪惡用聚星堂雪詩韻

朔風朝來放雲葉紛紛吹落籠沙雪山河大地
同一如變化須臾亦奇絕叅天松頂老猶強捨
地竹頭低欲折亂飄書帙愛窗明狂入地爐驚
火滅重衾方擁膚尚粟凍筆將書肘先掣未容
衰白點髮華只許醉紅生面纈何人清唱墮梁
塵有客高吟霏鋸屈昔賢句法今尚在故事歷
劫徒能說是中聖處公會無一粒靈丹工點鐵

題十翁圖

寶箱拂塵金銅膝用坊丹青見真筆春風曾憶
賦妖嬈人共畫圖成十一燭奴香底花光凝錚
錚鐵響聞三更車聲雷動不通語眼態波橫空
送情蠻雲盤鶴遼天濶犀玉依依對書札人生
何處不相逢還醉武陵溪上月

郭熙秋山平遠用東坡韻

槐花忙過舉子閒舊遊憶在夷門山玉堂會見
郭熙畫拂拭縑素塵埃間楚天極目江天遠楓
林渡頭秋思晚煙中一葉認扁舟雨外數峰橫
翠巘淮安客宦踰三霜雲夢澤連襄漢陽平生

獨不見寫本。慣飲山綠。殮湖光。老來思歸真日。夢想林泉對華髮。丹青安得此一流。畫我橫筇水中石。

海上

潮感三山島。煙橫萬里沙。蜃樓春作市。鼉鼓暮催衙。一曲水仙操。片帆漁父家。安期定何處。試問棗如瓜。

秋郊

秋水四五尺。暮山三兩峰。浮雲白毫相。落日紫金容。簑笠前村笛。樓臺古寺鐘。殷勤小平遠。圖畫憶渠儂。

代人憶舊

緩步素絲障。微吟紫綺裘。醉便風側帽。歌愛月明樓。犀軸題春恨。銅荷滴夜愁。風流十年夢。燈火漫揚州。

題雪浦人歸圖

亂日寶花雨。過蒼斑竹筇。拏音迎畫鷁。喜態動烏龍。水鏡千江月。風琴萬壑松。遙知永今夕。情

話得從容

彥美生朝

壯日里間俠臂彎雙角弓繡鞵紅匝匝貂袖紫
蒙茸雲態自蒼狗玉輝猶白虹爲君占壽骨綽
起有清風

車輶輓

馬虺隤牛殼鯨山行縈紆車輶輓路傍指點是
官人老矣一翁雙鬢白汝牛幸可耕汝馬幸可
騎有此可載琴書歸胡爲奔走東西道白髮

騷被人笑

沙漫漫

沙漫漫草斑斑南山北山相對看我行乃在山
之間行人仰不見飛鳥樹木足知邊塞少沙漫
漫草斑斑我行欲赴西風還僕夫汝莫愁衣單
我但着衣思汝寒

寄題安品起官舍北漠

一軒高占鳳麟洲要作人間汗漫遊海國風煙
自朝暮洞天日月幾春秋夢魂欲拂三花樹生

歷代詩選 卷九十二 九
計聊隨一葉舟。待我丹成訪君去。聞風佳處卜
菟裘。

莫州道中

楓林葉葉墮霜紅。天末晴華一鏡空。野曠微聞
鳥鳥樂。草寒時見馬牛風。人生險阻艱難裏。世
事悲歌感慨中。白髮孀親倚門處。夢魂千里付
歸鴻。

和人七夕韻

今古良宵此會同。望窮雲物有無中。人間細合
三山隔。天上靈槎一水通。鳩鵲樓空紈扇月。鴛
鴦機冷苧羅風。不須更乞蛛絲巧。久矣人生百
巧窮。

題吳彥高詩集後

片雲蹤迹任飄然。南北東西共一天。萬里山川
悲故國。十年風雪老窮邊。名高驥北無全馬。詩
到西江別是禪。頗憶米家書畫否。夢魂應逐過
江船。

代王簿上梁孟容副公二首

妙年椽筆賦長楊。一日聲名滿四方。天上風流
青瑣客。人間嘉慶綠衣郎。錦囊看讀金花誥。畫
戟閒凝燕窠香。預恐政成趨急詔。海沂無計駐
王祥。

自笑微官馬骨高。十年霜髮雪刀騷。長林豐草
未適性。尖帽短靴安得豪。名宦真同一雞肋。簿
書空束兩牛腰。故園清興湖山裏。歸去經營一
把茅。

清明前十日作

雨餘天氣動朝寒。寒食都來數日間。羯鼓催開
小桃李。畫屏圍出好溪山。塵埃老我真堪笑。風
物撩人欲破慳。梅雪已殘春過半。一樽何處與
公閒。

聞丘文晚集慶壽作詩戲之

桃李欲開風雨多。花時猶得屢經過。緩聽一曲
玉連瑣。滿泛十分金卷荷。紅燭影紗聞喚馬。翠
羅承轡見凌波。杜陵老矣孤春事。奈此詩愁惱
亂何。

明日復會客普照繼呈此詩去及底不數日矣

室中呼起散花天來伴維摩到處禪百刻篆香消晝永一番花雨破春妍雲山真欲追聾叟風腋何妨借玉川他日相思共明月舊遊應說禁煙前

觀古作者梅詩戲成一章

翠袖佳人脩竹傍風姿綽約破湖光靜中慣識形神影妙處誰知色味香觀想有靈通水月孤

音無伴挾冰霜故人愁絕今何許煙雨霏霏子半黃

上施內翰

十年不見建安公草木依然臭味同賴有酒樽煩北海可無香辦禮南豐天墀禮樂三千字海國鷗鵬九萬風正以高軒肯相過免教書客感秋蓬

聞彥美服藥以詩問訊

耳邊塵事且無喧聽我歸耕郭外村賤子自藏

歷代詩選 卷九十二 三
蝸殼舍故人誰。金雀羅門書窗共作三年計。樽
酒相逢一笑溫。不信家山不堪隱。仇池今在古
銅盆。

次劉元直韻二首

秋來何事憶歸頻。正以家無妬婦津。未許桂枝
招隱士。不妨桃葉贈行人。夢魂歷歷千山遠。客
宦悠悠五斗貧。犀箸鸞刀許何日。歸來舉案得
紛綸。

半年歸夢別離間。只有音書雁足還。羅幕翠橫
秋掩冉。玉壺紅濕淚爛斑。天明不作霧非霧。月
破可憐山復山。准擬春風對睂廡。一樽相對洗
愁顏。

和曹次仲韻因以自感

自笑區區學道難。未容香火訪名山。因循憂患
餘生裏。收斂光芒窘步間。白社祝公今日始。丹
丘客我幾時還。相從願結翻經會。共過壺中日
月閒。

陪諸友登三山亭

歷代詩選 卷九十二 三

半濠清淺芰荷彫落日登臨未寂寥山色逼秋
 渾作市海聲迎暮欲吞潮沙頭白鳥疑相熟木
 末青旗苦見招不似常時對官府可無閒話及
 漁樵

次韻夜雨

海山何處是蓬瀛節物催人意自驚客裏厭逢
 今舊雨夢餘愁聽短長更故園頗覺歸期緩老
 境難堪末段清想得詩成正蕭瑟竹窗燈火夜
 微明

題歸去來圖

筆端竒處發天藏事遠懷人涕泗滂餘子風流
 追魏晉上人談笑自羲皇折腰五斗幾錢直去
 國十年三徑荒安得一堂重寫照爲公桂酒瀉
 蕉黃

寄題孔德通東園

花木陰陰一畝宮平生高興與誰同樽罍北海
 無虛日鄉里東家有故風先業固知衣鉢在大
 門應惜橐奭空襄陽耆舊今誰識尚喜風流見

阿戎

昌邑道中

屋角雞號夜向晨。客牀相對話悲辛。
流離僅脫嗙等伍。老大空爲濟上人。
却掃欲安無事貴。累人猶說立錐貧。
故山鄰里今安否。歸去同尋筍蕨春。

題仲山枝巢

鏡中青鬢入霜皤。歲月從交落魄過。
物理不容人過分。生涯休歎我無多。
百年竟似蠅鑽紙。萬

事終同鼠飲河。祇恐徐公宿緣在。東風時夢海

棠窠

過關渡水圖

短車無復駕青牛。散策方來對白鷗。
煙水從容許君獨。暫須分我一船秋。

河橋

桃李香中八九家。青旗高挂綠楊斜。
晚來風色渡頭急。蒲地蕭蕭楊白花。

歷代詩選

十一

九十三

石倉十二代詩選

宋詩卷之九十二 終

[Large blacked-out redaction mark]

宋詩卷之九十二

宋詩卷之九十二

宋詩卷之九十二

宋詩卷之九十二

石倉十二代詩選

宋詩卷之九十三

滄浪集

宋樵川嚴羽著
明後學曹學佺閱

行子吟

行子在江海飄飄靡常踪有如芒碭野朔風捲
飛蓬朔風無休期飛蓬日千里散落天地間寧
有復歸理胡雁西北來一叫三徘徊何時別沙
漠昨夜宿陽臺同羣一相失羽翮常低摧人物
有殊性奈何罹此哀

歷代詩選

宋後集卷九十三

一

九十三

又

昨夜客遊初。結交重豪邁。高冠湛盧劍。志若輕
四海。白首悔前圖。蹉跎天一隅。寒冬劔門道。失
路空踟躕。深林聚豺虎。絕壁號猩猩。雪深車軸
折。征馬驚啼呼。何當返故處。殮黍居田廬。淚下
不能禁。腸轉如轆轤。

我友遠言邁

朔風卷秋樹。白日寒無光。是時鴻雁來。四野何
蒼茫。我友遠言邁。使我結中腸。如何携手歡。一
旦成異鄉。行旅有期程。遊子多悲傷。置酒欲高
歌。淚來沾我裳。四座慘相顧。征馬亦徬徨。未知
會否日。且復盡茲觴。

悠悠我行邁

悠悠我行邁。邈在天一方。道路無終極。時節異
炎涼。路逢故里親。揮泣問我鄉。妻子別離久。不
知今存亡。中原多白骨。城邑聚豺狼。遠去無僮
僕。思還絕餼糧。寄語家中人。遠行良可傷。

朝日臨高臺

朝日臨高臺。睠彼芳樹間。上有共棲鳥。和鳴何
關關。爾乃慕儔侶。我胡獨不然。良友在萬里。邈
然河與山。聚會豈不思。歲月倏已殫。未必無他
人。要非心所歡。

仙遊

憶讀玲瓏篇。來徃虛皇閣。空見白芙蓉。秋風幾
凋落。昨逢紫陽君。共有丹臺約。下視塵埃中。冠
纓縛。猿獲。世事行若此。悠悠復何託。

其二

朝別簡寂觀。夜行石鏡溪。溪光照厓綠。月色正
相宜。石上三道士。頎然好丰姿。或弄金光草。或
把珊瑚枝。憑風招素手。賜我一玉卮。歎我事遠
遊。蕭颯朱顏衰。長林孤月落。羽蓋何歲蕤。垂垂
乘之去。棄我忽若遺。明發聞無覩。但有青鸞啼。

其三

瀑布似明月上。有石梁橋。矯首望東海。正見蟾
蜍生。揚輝天漢間。下照蓬丘城。桂實幾凋落。姮
娥空聞名。咄哉玉斧子。不如白兔精。靈藥不服

食執柯獨何成。迢迢彩雲外。誰吹白玉笙。竦身
一長聽。予若出寰瀛。

登豫章城

憂來不自得。登城望高天。寒雲四面起。朔氣下
長川。脫劍且却坐。君知心惘然。奈何平生志。鬱
抑江湖間。凜凜秋風來。茫茫落日晚。長憂生白
髮。沈想忘朝飯。向來經濟士。本是碌碌人。蕭曹
刀筆吏。樊灌屠販臣。徒步取勲業。漢道爲光新。
我今何爲者。飄飄去鄉國。狂歌豫章城。醉卧風
江碧。但取英雄笑。終慙侗儻生。名當以德載。事
耻因人成。獨酌還獨酌。哀歌還寂寞。安得凌風
翰。爲君拂寥邈。

遊臨江慧力寺

舟中望古刹。川上移琴樽。隱隱林閣見。迢迢鐘
梵聞。列岫不離席。驚濤常在門。風帆與沙鳥。汎
汎隨朝昏。天高一幡掛。室靜衆香焚。煙起多近
郭。鴉歸無遠村。松際尚微雪。經年來暮爰。賞惟
靜者契。法對高僧論。安得息塵駕。永懷瞻獨園。

明朝別此去惆悵滿松雲

山居卽事

稍欣入林深已覺煩慮屏
霜果垂秋山歸禽度
嵐嶺紛紛葉易積漠漠雲欲盛
澗底寂無人松蘿窅然暝
惟聞山鳥啼月上柴門靜
終歲寡持醪延飲聊煮茗
羣書北窗下帙亂誰能整

廬陵客館雨霽登樓言懷寄友

終日坐汾澳邈然無少欣
登樓一周覽始見萬山羣
微雨洗殘暑青天捲浮雲
襟懷兩廓落朗若見夫君
見君君何在顧影還獨笑
吏非金門遊隱異滄洲
調江明秋月白山空夜猿嘯
徒事百卷文未返一竿釣
留滯豈勝愁非君誰與謀
水寒終赴海雁遠暫賓秋
舉世不可語儼當傲巢由
贈君三尺劍永駕五湖舟

別客

客髮風霜晚離亭鼓角聞
念君當此去把袂不能分
蘄霍連秋氣瀟湘合暮雲
愁心將落葉向晚共紛紛

訪益上人蘭若

獨尋青蓮宇，行過白沙灘。
一逕入松雪，數峰生暮寒。
山僧喜客至，林閣借人看。
吟罷拂衣去，鐘聲雲外殘。

出塞行

將軍救朔邊，都護上祁連。
六郡飛傳檄，三河聚控弦。
連營當太白，吹角動胡天。
何日匈奴滅，中原得晏然。

江樓夜月懷故山友人

昨夜江樓月，思君好斷腸。
猿聲相應發，山色更青蒼。
楚塞來書遠，閩關隔夢長。
今朝看愁髮，爲爾半成霜。

有懷閩風山人

把酒忽惆悵，君今吳楚間。
孤雲隨馬首，風雨隔河關。
心事竟安在，此行殊未還。
空將百年意，泣向寶刀環。

懷南昌舊遊

昨在南昌府，清遊不可窮。
杯行江色裏，棹進月

歷代詩選 宋 蘇軾 明中樓笛吹晴雪菱歌漾晚風坐來懷舊迹萬里一飄蓬

江行

曠色蒹葭外蒼茫旅眺情殘雲和雁斷新月帶潮生天到水中盡舟隨樹杪行離家今幾宿厭聽棹歌聲

塞下

鞍馬連年出關河萬里賒將軍思報國壯士耻還家大漠春無草天山雪作花誰憐李都尉白

首沒胡沙

三衢邂逅周月船臨別賦此

戎馬相逢日那知復此間客愁詩莫遣世事酒相關江上孤舟在天隅兩鬢斑更將憂國淚滿袖送君還

還山吟

日暮望南山悵然歸思發如何山中客屢看城頭月城頭月照女蘿秋石磴潺湲瀉碧流巖猿久別應惆悵澗鳥相呼亦共愁城南故人與我

歷代詩選 宋嚴儀卿
好令我忘却歸山道。昨夜西窗夢到家。忽驚千嶂芝花老。朝來舟子從辭君。回首空江語尚聞。別後莫嗟難見面。相思只望嶺頭雲。

孺子臺吟

去年醉與東湖別。欲上衡湘泛秋月。君家留我却。迢迢悵望還成阻。脩濶西山縹緲翠屏開。復憶滕王倒玉杯。經過始識洪厓井。調笑重登孺子臺。臺前呼酒折荷花。水淨煙明散落霞。舉杯失笑君何在。望斷行雲空咄嗟。故人別後還愁

緒。此都不是余留處。興來目送海邊鴻。歸心掛在閩溪樹。

思歸引

海上之草綠芊芊。洞門一閉今幾年。仙驥去時留紫鞭。掛壁見之心惘然。欲歸卽歸亦由我。不待功成何不可。堯舜未能屈巢由。自餘王侯何足遊。武陵春水綠蕭蕭。就中亦有桑麻郊。近聞秦人笑相語。待我東溪種碧桃。

送戴式之歸天台歌

吾聞天台華頂連石橋石橋巉絕橫煙霄下有
滄溟萬折之洪濤上有赤城千丈之霞標峰懸
磴斷杳莫測中有石屏古仙客吟窺混沌愁天
公醉飲扶桑泣龍伯適來何事遊人間飄飄八
極尋名山三花樹下一相見笑我蕭颯風沙顏
手持玉杯酌我酒付我新詩五百首共結天邊
汗漫遊重論方外雲霞友海內詩名今數誰羣
賢翁沓爭相推胸襟浩蕩氣蕭爽豁如洞庭笠
澤月寒空萬里雲開時人生聚散何超忽愁折
車贈君別君騎白鹿歸仙山我亦扁舟向吳
越明日憑高一望君江花滿眼愁氛氲天長地
濶不可見空有相思寄海雲

送吳會卿再往淮南

故人身披紫綺裘腰佩寶玦騎胡騮英風俠氣
橫四海辭我遠向淮南遊淮南桂樹應猶在八
公舉手遙相待明月高懸五兩頭隨君千里過
淮流十年鞍馬邊城道又是邊城見春草春草
萋萋路入秦長安北望空愁人荆楚竒材多劍

客感慨相逢思報國。男兒事業早致身。青鬢須防霜雪迫。我向人間久拂衣。白雲相伴掩巖扉。調琴鼓罷清商曲。愁見孤鴻天際飛。

臨川逢鄭遐之雲夢

天涯十載無窮恨。老淚燈前語罷垂。明發又爲千里別。相思應盡一生期。洞庭波浪帆開晚。雲夢蒹葭鳥去遲。世亂音書到何日。關河一望不勝悲。

將至潯陽途中寄諸昆弟

渺渺孤帆去幾程。悠悠天際望湓城。一身避亂辭鄉國。千里相思隔弟兄。猿斗匡廬寒暮色。雁過彭蠡帶秋聲。江湖此去多飄泊。腸斷風塵遠別情。

客中別吳季高

悠悠遠別半生悲。白日相逢又話離。海內風塵愁未已。天邊消息到何時。洞庭旅雁春歸盡。瓜步寒潮夜落遲。惆悵孤舟從此去。江湖未敢定前期。

寄郭招甫時在潯陽

夢向三江買釣船。掛帆西去白雲邊。窗開曉色香爐見。門落寒聲瀑布懸。百年酒興陶彭澤。四海詩名孟浩然。何日真尋塵外跡。焚香酌茗話先賢。

送崔九過丹陽郡上荆門省親

江國歸心一雁牽。河橋分手數杯傳。千崖萬壑秋聲裏。匹馬孤帆落照邊。牛渚寒波翻極浦。荆門晚樹合遙天。他時莫枉瑤華問。南北相思各

楚

楚江晚思

旅思遙遙倦向南。誰家煙火起晴嵐。孤城歸鳥連寒角。極浦斜陽帶遠帆。楓葉自能悲楚客。竹枝何用怨江潭。今朝欲寫風波恨。千里書成手自緘。

古懊儂歌

郎去無見期。妾死那瞑目。郎歸認妾墳。應有相思木。

其二

朝亦出門啼暮亦出門啼
蛛網掛風裏遙思無
定時

西陵望

西陵終日望不見有歸橈
欲去頻回首寒江起
暮潮

送友人

黯黯離筵夕照收江城羌笛起
邊愁念君此去
三千里何處關山是楚州

羽林郎

貂帽狐裘塞北妝黃鬚年少羽林郎
彎弓不怕
天山雪生縛名王入建章

聞笛


江上誰家吹笛聲月明霜白不堪聽
孤舟萬里
瀟湘客一夜歸心滿洞庭

吳中送客歸豫章

川程極目渺空波送爾歸舟奈別何
南國音書
須早寄江湖春雁已無多

歷代詩選

宋詩卷之九十三



石倉十二代詩選

宋詩卷之九十三

終

道春老叟

